



Fasnacht 2004

J.B.-CLIQUE SANTIHANS
Stammgesellschaft

Basel, mir grau....ts

In unserer liebe Stadt am Rhy
wo wichtig und au scheen wott sy
do wirgge scho syt längerer Zyyt
Aarschideggte und Gschalter mit
wo me sich wirgglig frooge kaa
was hänn die nur fyr Drooge ghaa?
Ob Baahnhoof – oder Mässeplatz
e farbige Egge suechsch fyr d Katz
fyr e Bluemekischte oder e Baum
hätts gschalterisch aifach kai Raum
Jo, d Fantasy bewegt sich flau
im Beryych vo Schwarz und Grau!
D Clarastrooss isch ney renoviert
und das hätt nadyrlig derzue gfiert
ass sie dem neye Stil entspricht:
Usser schwarz gits keine Farbe nicht!
Mänggmool isch zwor dr Himmel blau
derfyr sinn d Bebbisegg jo grau
und dr Messeturm isch Fläschegrien
will Fläsche au naime aane mien
In der Bar Rouge wird denn d Naase root
au wänn by Nez Rouge gar nyt goot
Wo de aaneluegsch do gseesch es gnau
d Zuekunft isch dunggelschwarz bis grau

Nur d Fasnacht macht do noonig mit
Drey Daag wo s Muusig und Farbe git
die basse nit ins ney Konzäpt
will Farbe zaige dass eppis läbt
Doch wenn di als Glygge an Trend wotsch halte
denn muesch dr Zuug halt gräulich gschaltete
Zem erraiche vo dem Zyyt
isch uns kai ainzige Grautoon zvyyl
Vom Vortraab bis zem letschte Drummelhund
sinn alli grau – das hätt si Grund
Dänn bisch aimool richtig grau
hesch kai Chance – wirtsch nie blau
Bolitisch bisch mit de Moodefarbe voll drbyy
das kaa jo gar nit anderscht syy:

Dr Grossi Root isch e graui Masse
au wenn Rot und Grien dien zämme jasse
und kasch emol epper erfrischends gseeh
ischs sicher niemerds vo dr EssVauPee
D Regierig isch nit vvyyl besser draa
genau glyych wie im Bundesroot
hetts numme ai ainzigi Frau im Root
und mit numme ainere Frau
isch es klaar, s wirrgt alles grau:

- S Baudepartement isch s Graudepartement
- Zahle sinn Root, dr Vischer gseht schwarz
- d Bolizey drait eher blau,
dang em Jögge Schild wirrgt si nit so grau
- und zem Eymann – wotsch Puff, Mann?
- Bim Wirtschaftsdep. ischs glyych wer s macht
will d Wirtschaft alles sälber macht
- Blibt no dr Hamatschu und dr Conti
kain vo baide isch e Sponti

Mit em Willhelm Busch saisch do: Pardauz!
Adie Bolitigg – mir grauts
Am Schluss isch d Fasnacht doch no s Bescht
und sygs nur wäg dr fremde Gescht
Au s Comité basst sich do aa
e jede drait – Frau oder Maa
vo Kopf bis Fuess nur schwarz und schwarz
das Goschdym isch kai Sensazioon
und alles nur us Tradizioon
derfyr hett d JB an Trend sich ghalte
doch will mir d Glygge nit wänn schpalte
saag y alle: Glaubed draa
s näggscht Joor hänn mir ä farbig Goschdym aa

www.jbc-santihans.ch